

S. MESSA DI SCOLARI ai 06.03.2012

CIANTIA: "Evviva la croce" (n. 479)

LETÖRA lita dai scolari

SUPLICHEs de Carsema:

(Paul porta sö da alté na corda)

1. **LUCA:**

Gejú é gnü apié tl Urt dl Orí. Desche n loter él gnü lié e porté demez. Porchel anse atló na corda.

Al é roé dan da Ponzio Pilato, l governadú roman. Cösc savé che Gejú é inozent. Al n'oré endere avei degügn desturbs cun i iüdes. Ensciö al condané Gejú ala mort sön la crusc.

2. **BARBARA:**

Gejú é gnü condané iniüstamonter. Nos condanun ince datrai i atri con iniustizia. Gejú, deidesse a ne condané nia i atri. Periun.

(Tatjana porta sö da alté na crusc)

3. **TONE:**

Ai ti á metü la crusc sön l spiné a Gejú. Al messá s'la porté dassú. L trú condüjê naota fora por Jerusalem e spo sön la munt dl Calvario. L trú é lunch e da peres. La crusc é posocia.

4. **MARTIN:**

Val porsones mess patí dassenn a gauja de soferenzenes, festidi, maraties. Gejú, deida düc chi che á tröp da soporté. Periun

(Marion porta sö da alté peres)

5. **SILVIA:**

Gejú portâ söa crusc posocia. So trú gnê tres plü sfadius. Gejú n'â plü degöna forza y ê tomé trei iadi. Mo al é loé sö, por roé só trú.

6. **PETER:**

Les peres atló é segn por l peis che porsones sön so trú dla vita mess porté. Datrai se fesc ince les porsones öna cun l' atra la vita posocia. Ares se met peres de senn e de cativeria te trú.

Gejú, deida düc chi che n'â plü degöna forza sön so tru dla vita. Periun

(Lisa e Maddalena porta sö da alté n fazorel)

7. **ANNA:**

Sön l trú dla pasciun êl na era, Veronica. Ara odê sciöche Gejú patî. Ara odê sciöche al assôa por la gran fadia. Ara á tut na peza y ti á assié l müs a Gejú. Ara á nsciö desmostré partezipaziun e compasciun.

8. **MARIA:**

Ince a nos fejel bun sce zacai sont cun nos. Ince nos podun desmostré partezipaziun cun jí a ciafé valgügn o fajon na ligreza a zacai o canche i ti dun la man a valgügn. Gejú, deidese desmostré partezipaziun al dolur di atri. Periun

(Katrín porta sö da alté na copa cun tera laite)

9. **ELENA:**

I soldas ten sö n él che ven dal laur ti ciamps. Al mess daidé Gejú porté la crusc. Cösc él â ennom Sciomun. Al â laoré te ciampopré. Porchel anse atló tera. Plü dessegü êl stanch dal laur, canche al á messü daidé Gejú. A Gejú ti fejel bun só aiüt.

10. **EMMA:**

Canche nos messun daidé zacai fa val se tomel ite de vigne sort des scuses: "I sun tan stanch", "I n'á nia veia", "I n'á nia tomp", "Al é massa rie", ... Daidé é sfadius e costa tomp. Ne se sontiunse endere nia tralasciá , sce degügn ne se deida? Gejú, fa che chi che adora aiüt, ciafi jont che i deidia. Periun

Dal Ofertore CIANTIA: "Döt ci che é mî" (n.38)

Dal Sant CIANTIA: "Ciantun cun düc i agnui" (n.54)

Do la Comeniun CIANTIA: "Dilan ti dijunse" (n.292)